

გამარტივებული სახელმწიფო შესყიდვების განხორციელების შესახებ  
(VIP პაკეტი)

თბილისი

06/ივლისი/2017 წელი

შპს „სტუდია ვებჯორჯია“, შემდგომში „შემსრულებელი“, რომლის სახელითაც მოქმედებს წინამდებარე ხელშეკრულების 8.1. პუნქტში მითითებული პირი, ერთის მხრივ, და სსიპ სამცხე-ჯავახეთის სახელმწიფო უნივერსიტეტი, რომლის სახელითაც მოქმედებს წინამდებარე ხელშეკრულების 8.2. პუნქტში მითითებული პირი, შემდგომში „დამკვეთი“ (რიგ შემთხვევაში მოხსენიებული იქნება, როგორც პარტნიორი), მეორეს მხრივ, ვდებთ წინამდებარე ხელშეკრულებას შემდეგზე:

**1. ხელშეკრულების საგანი: მონაცემთა ინფორმაციის მატარებლებზე შენახვის პროგრამული პაკეტი (CPV კოდი: 48700000).**

ხელშეკრულების საგანი სამენოვან საიტზე webgeorgia.ge დამკვეთს VIP პაკეტით სარგებლობის საშუალებას აძლევს, რომელიც შემდეგს მოიცავს:

- 1.1. დამკვეთის (პარტნიორის) ლოგო და მონაცემები (დასახელება, მისამართი, ტელეფონები, ვებ და ფეისბუქის გვერდის ლინკები, ელ-ფოსტა, ზუსტი ადგილმდებარეობის ამსახველი რუკა) webgeorgia.ge-ს ქართულ, ინგლისურ და რუსულ ვერსიებში განთავსდება.
- 1.2. დამკვეთს სამენოვანი საპრეზენტაციო გვერდის გამოყენების საშუალება ეძლევა, რომელიც webgeorgia.ge-ს სამივე ენის ვერსიაში შეუძლია წარმოაჩინოს. ხელშეკრულების პირველად გაფორმების შემთხვევაში შემსრულებელი დამკვეთის სამენოვანი საპრეზენტაციო გვერდის ქართულ ვერსიას შეუქმნის და მას webgeorgia.ge-ს ქართულ ვერსიაში განათავსებს.
- 1.3. საპრეზენტაციო გვერდი მოიცავს: ინფორმაციას დამკვეთის (პარტნიორის) საქმიანობის შესახებ, სიახლეების დამატების საშუალებას, საკონტაქტო მონაცემებს და ზუსტი ადგილმდებარეობის ამსახველ რუკას, მაქსიმუმ 20 ფოტო და შეუზღუდავი რაოდენობის ვიდეო მასალას (ვიდეო ფაილები ატვირთული უნდა იყოს youtube.com-ზე).
- 1.4. საპრეზენტაციო გვერდზე წარმოდგენილი ნებისმიერი ინფორმაციის მართვა, ინგლისური და რუსული ვერსიების შევსება დამკვეთს (პარტნიორს) თავად შეეძლება, რისთვისაც მას საკუთარი სამართავი პანელი ექნება.
- 1.5. ყოველი დამატებული სიახლე webgeorgia.ge-ს შესაბამისი კატეგორიის გვერდის მარჯვენა მხარეს გამოჩნდება.
- 1.6. საპრეზენტაციო გვერდს საკუთარი მისამართი გააჩნია, რაც მის დამოუკიდებლად გამოყენების საშუალებას იძლევა.
- 1.7. დამკვეთისთვის (პარტნიორისთვის) როტაციის პრინციპი იმოქმედებს: რამდენიმე წუთში ერთხელ ყველა პარტნიორის ადგილმდებარეობა იცვლება და ჩამონათვალის ბოლოს მდებარე პარტნიორი ჩამონათვალის სათავეში ექცევა, რაც პარტნიორებს შორის ჯანსაღ კონკურენციას ქმნის.
- 1.8. ახალი და ხელმეორედ რეგისტრირებული პარტნიორი „ახალი პარტნიორების“ სათავეში ექცევა.

**2. ხელშეკრულების გაფორმების წესი და მისი ძალაში შესვლა**

- 2.1. მხარეები თანხმდებიან, რომ ხელშეკრულება ატარებს ელექტრონულ ფორმას, რომელსაც „შემსრულებელი“ ელექტრონული ფოსტის საშუალებით უგზავნის „დამკვეთს“.
- 2.2. ხელშეკრულების გაგზავნისას ელექტრონულად წარმოდგენილია „შემსრულებლის“ რეკვიზიტები, ბეჭდის ანაბეჭდი და უფლებამოსილი პირის ხელმოწერის ანაბეჭდი.
- 2.3. „დამკვეთის“ მიერ „შემსრულებლის“ 8.1. პუნქტში აღნიშნულ საბანკო ანგარიშზე მითითებული თანხის ჩარიცხვა ადასტურებს მის თანხმობას წინამდებარე ხელშეკრულებაზე და განაპირობებს მის ძალაში შესვლას.



2.4. მხარეები თანხმდებიან, რომ ხელშეკრულების გაფორმების წესი ატარებს იგივე იურიდიულ ძალას, როგორც მხარეების მიერ ცოცხალი ხელმოწერის შემთხვევაში, და არ იწვევს წინამდებარე ხელშეკრულების სრულ ან მისი რომელიმე პუნქტის ბათილობას.

### 3. ხელშეკრულების მოქმედების ვადა

- 3.1. ხელშეკრულების ვადის დაწყებად მისი გაფორმების თარიღი აითვლება, 2017 წლის 06 ივლისი.
- 3.2. ხელშეკრულების მოქმედების ვადა 1 (ერთი) თვით აღემატება შესყიდვის ობიექტის მიწოდების ვადას და განისაზღვრება 2017 წლის 06 აგვისტოს ჩათვლით.
- 3.3. ხელშეკრულების მოქმედების ვადის გასვლიდან 1 (ერთი) კვირის განმავლობაში შემსრულებელი უფლებას იტოვებს დამკვეთს მოუხსნას VIP პაკეტით მინიჭებული უპირატესობები და მისი მონაცემები „უფასო რეგისტრაციის“ სტატუსში გადაიყვანოს.

### 4. მხარეთა უფლება-მოვალეობები

- 4.1. შემსრულებელი იღებს ვალდებულებას დამკვეთის მიერ მის საბანკო ანგარიშზე მითითებული თანხის ჩარიცხვიდან 3 (სამი) სამუშაო დღის განმავლობაში [webgeorgia.ge](http://webgeorgia.ge)-ზე დამკვეთს ხელშეკრულების პირველი პუნქტით გათვალისწინებული მომსახურება გაუწიოს, ხელშეკრულების მოქმედების პერიოდში იზრუნოს საიტის გამართულ მუშაობაზე და საჭიროების შემთხვევაში სამუშაო საათებში პარტნიორს სატელეფონო კონსულტაცია გაუწიოს.
- 4.2. დამკვეთი იღებს ვალდებულებას მის საპრეზენტაციო გვერდზე კანონსაწინააღმდეგო ინფორმაცია არ განათავსოს და სიახლეების დამატების საშუალება მხოლოდ საზოგადოებისთვის საინტერესო ინფორმაციისთვის გამოიყენოს.
- 4.3. მხარეები ნაკისრი ვალდებულების შესრულებისგან დაუძლეველი ძალის – ფორს-მაჟორის (საბრძოლო მოქმედება, სტიქიური უბედურება, დივერსია, ხანძარი ან სხვ.) მსვლელობის პერიოდში თავისუფლდებიან.

### 5. მომსახურების ფასი და ანგარიშსწორების წესი

- 5.1. VIP პაკეტით სარგებლობის ღირებულება წელიწადში 250 (ორასორმოცდაათი) ლარით განისაზღვრება.
- 3.2. ანგარიშსწორება პაკეტის განახლებიდან 10 (ათი) სამუშაო დღეში, დამკვეთის მიერ შემსრულებლის საბანკო ანგარიშზე გადარიცხვის გზით ხორციელდება.

### 6. დავების გადაწყვეტის წესი

- 6.1. მხარეთა შორის საქმიანობასთან დაკავშირებული ყველა საკითხი უნდა გადაწყდეს მოლაპარაკების გზით.
- 6.2. მხარეთა შორის წამოჭრილი დავა, რომელიც არ რეგულირდება მოლაპარაკების გზით, მოქმედი კანონმდებლობის შესაბამისად სასამართლოს გზით გადაწყდება.

### 7. ხელშეკრულების შეწყვეტის საფუძველი

- 7.1. მხარეთა შეთანხმება.
- 7.2. ერთ-ერთი მხარის მიერ ხელშეკრულებით ნაკისრი ვალდებულების შეუსრულებლობა.
- 7.3. თითოეული მხარე უფლებამოსილია ცალმხრივად შეწყვიტოს ხელშეკრულება ვადაზე ადრე, რის შესახებაც ხელშეკრულების შემწყვეტმა მხარემ წერილობით, ერთი კვირით ადრე უნდა შეატყობინოს მეორე მხარეს.

**8. მხარეთა რეკვიზიტები:**

**8.1. შემსრულებელი**

დასახელება: შპს „სტუდია ვებჯორჯია“  
მისამართი: ქ. თბილისი ვ.ფშაველას N16  
ტელეფონი: 571512121  
ელ-ფოსტა: info@webgeorgia.ge  
საიდენტ. კოდი: 205197320  
ბანკი: თბილისი ბანკი  
ანგარიშის ნომერი: GE57TB73 02836020100001  
დირექტორი: ვახტანგ ჯინჯიხაძე

**8.2. დამკვეთი**

დასახელება: სსიპ სამცხე-ჯავახეთის სახელმწიფო უნივერსიტეტი  
მისამართი: ქ. ახალციხე, რუსთაველის ქ. #106  
ტელეფონი: 577 98 77 22  
ელ-ფოსტა: contact@sjuni.edu.ge  
საიდენტ. კოდი: 424066977  
ბანკი: სახელმწიფო ხაზინა  
ანგარიშის ნომერი: სახაზინო კოდი: 32 04 05 09  
ადმინისტრაციის ხელმძღვანელი, პროფესორი: როინ თათეშვილი  
ვიზირებულია - იურისტი: თამარ ჟუჟუხაძე

ვ. ჯინჯიხაძე

